



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Quotidiana Christiani Militis Tessera**

**Stanyhurst, Guillaume**

**Coloniæ Agrippinæ, 1710**

27. Dies Novemb. Frustrà extra Deum quæritur, quod in illo solo invenitur.

**urn:nbn:de:hbz:466:1-45477**

omnem æternitatem sit duratura : nec enim mortē terminatur, aut interrumpitur, sed progreditur ex hac vita in alteram, ut ibi perennet æternum. Denique, si beatitudo est complementum omnium desideriorum, quanta est felicitas illius, qui nihil vult aliud, quàm quod Deus. Videt hīc talis expletam omnium desideriorum suorum expectationem : quidquid desiderat, quidquid desiderare potest, illud universum pro voto ipsius, modo quodam admirabili semper impletur, quoniam suam voluntatem penitus obnegando, unamque & eandem voluntatem cum Deo habendo, hac ratione tantum proficit, ut semper faciat voluntatem suam, quæ sine dubio causa est lætitiæ prorsus singularis : quod enim potest esse majus gaudium, quàm impleri semper suum desiderium : præsertim cum sciat suum desiderium summè placere illi, qui est totus desiderabilis ? O quàm dispar est hoc gaudium, cum illo altero gaudio, quod est plenum solliciti timoris, trepidæ anxietatis ? quia sequitur desideria cordis sui. Tale gaudium est æternæ tristiæ præludium. Ad hoc alludit Poëta, dicens :

*Hoc est consuetum, comitantur tristitia letum.*

## 27. DIES NOVEMB.

Frustrà extra Deum quæritur, quod in illo solo invenitur. S. Augustinus libr. Confess. cap. 12.

Deus est admirabilis.

I. **U**T unum quæramus bonum, in quo sunt omnia bona ; deberet esse tota

nostra occupatio, hoc officium, hoc gaudium, hic labor noster, ad hoc invigilare decet intellectum nostrum,

O o o z

nostrum,

nostrum, hoc nostræ pabulum sit voluntatis, in hoc exultet cor, & caro nostra; huc advocemus vires animæ nostræ; in hoc impendatur, & superimpendatur, quidquid sumus, & possumus; desideria nostra, affectus nostri, robur nostrum, omnisque substantia & vita nostra. Ecquā enim in re utilius collocemus ætatem, & consumamus omne esse nostrum, quā ubi, ubi totum, & omne esse reperitur? O quantæ, quæque eximiæ felicitatis est, tam sublimem Essentiam posse admirari? cor nostrum meritò purissima semper voluptate deberet diffuere, vel solā recordatione hujus unius felicitatis, quod nobis sit liberum Deo, dum lubet, placere: hæc deberet esse nostra non modò summa, sed sola gloria, quod Dei simus, & cur non perpetuò attoniti ambulemus, & quasi impotes nostri præ exuberantis gaudii copia, toti lætitiis incedamus, ipsius magnitudinem, & bonitatem considerantes, atque excellentissimum illud esse, quod nullam habuit originem, amantes?

II. Esse illud infinites admirabile, quod cum unum sit, est trinum, & in summa sua unitate completitur trinitatem, miraculum miraculorum, quod per omnem æternitatem perpetuam, maximamque movebit admirationem. Esse tam infinitè bonum, ut totum id quod est, Pater communicarit Filio, & Filius ejusdem cum Patre bonitatis, dederit peccatoribus. Esse tam bonum, ut nec punctum ullum temporis cessare potuerit à communicatione sui ipsius, aliter admirabili bonitati suæ nequitiam facturum satis. Esse omnipotens, quod res omnes ex amore, & nihilo condidit. Esse tam Sapiens, ut in benè nobis faciendo errare non possit. Esse tam immensum, ut

abesse

abesse à nobis nequeat, quodque nos, quoquò eamus videt, quæque petimus, exaudit. Esse tam immutabile, cujus pulchritudo non potest exolescere, neque benevolentia deficere. Esse simplicissimum, in quo sine inquietudine ulla, & impedimento, bonum omne possidemus. Esse tam justum, & misericors, quod ut misericordiam exhiberet, pepercit hominibus, (a) tamen proprio Filio suo non pepercit. Esse æternum, quod nobis intermori non potest. Esse fidelissimum, cui etsi nos fidem datam frugerimus, promissiones tamen nobis factas accuratè præstat. Esse tam amans nostri, ut miseras, infirmitatesque nostras tolerare sustinuerit. Esse quod omni ei quod est, dat suum esse, quod coelos, sustentat, per quod elementa permanent, plantæ vivunt, animalia sentiunt, homines ratione utuntur, Angeli intelligunt.

III. Quid pluribus? Esse tam bonum ut non obstante illius magnitudine immensa, auctoritate infinita, Majestate suprema, tanta tamen ipsius benignitas sit, ut hominis causâ, per se ipsam fructus maturaret in arboribus, panem præpareret in spicis, potum molliatur in fontibus, vinum coquat in vitibus, vestem componat in agris, byssum suppeditet in bombycibus, ceram fingat in apibus, saponi ancilletur in avibus, piscibus, quadrupedibus; seque ob creaturas tam humiles, submittat ad officia humillima. Esse tam bonum, quod includit in se omne bonum, à qua oritur omne bonum, unde nata est omnis pulchritudo, unde promanavit omnis justitia, unde pendet omnis potentia, unde originem ducit omnis

Ooo ;

Sa-

(a) Rom. 8. 32.

Sapientia, unde principium capit omnis suavitas ; & quod est bonum super omne bonum , pulchrum super omnia pulchra, iustum super omnia iusta, potens super omnem potentiam, sapiens super omnem veritatem , dulce super omnem saporem. Esse tam bonum, ut mori elegerit, quo viveret vilissima creatura: humiliari, ne vermiculus aliquis se extolleret, homo fieri, propter inimicum sibi & Divinitati suæ insidiantem hominem , ut se denique dederit in cibum & sustentationem vitæ illius, qui mille mortes merebatur. Hi tot & tanti tituli, me ad amorem tanti boni, non suaviter inducunt, sed fortiter impellunt. Dic ergo cum Poëta :

*Est super omne Deus, Rex, Dominusque meus.*

## 28. DIES NOVEMB.

Modò tu Deus meus in Cœlo, licet in æternum ego in inferno. *Gerardus inter ejus dicta.*

Dei Majestas, peccati enormitas.

I. **P**ergamus velificari affectibus erga auctorem omnium effectorum. Gratu-

lor quantum possum rebus omnibus conditis, quod tam admirandum habeant, à quo processerunt, conditorem. Plaudant Cœli, quia suum comprehendere nequeunt creatorem : servant planetæ cursum suum, stellæ majora accendant luminaria, ut luceant huic luci incessabili, quæ formavit eas : exultent elementa, quia qui creavit illa, centrum est, & perfectio universi : mixta omnia, plantæ, animalia, homines, Angeli, diem festum agant, quia tam magnum consecuti sunt Regem, tam potentem Principem, tam bonum Patrem ? latentur cœli, & terra de